



1. juni 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqqutit:

- 1. Mittarfeqarfiit Kalaallit Airports A/S-illu akornanni suliffeqarfiit marluusut ataatsimut kattunneqarnissaannik oqaloqatigiissuteqarnerat Naalackersuisut qanoq ilisimasaqarfigivaat?**
- 2. Naalackersuisut Demokraatitulli isumaqarpat ingerlatseqatigiiffiit taakku marluk politikikkut aalajangiinissaq akuliuffiginagu pingaarnertut suliassatik aalluttariaqaraat?**
- 3. Naalackersuisut ingerlatseqatigiiffiit marluusut saaffiginiarpaat inussiarnersumillu - aalajangersumilli - qinnuigalugit ingerlatseqatigiiffiit ilumut ataatsimut kattunneqassanersut akuliuffigeqqunagu. Aamma Naalackersuisut tamatumunnga atatillugu politikikkut aalajangiiniarneq pillugu ingerlatseqatigiiffiit nassuaassiniarpat tamannalu ataqqeqqullugu?**
- 4. Naalackersuisut suliarnut soqutiginaateqarsinnaasunik allanik paasisutissiisnaappat?**
(Inatsisartunut ilaasortaq Niels Thomsen, Demokraatit)

Tungavilersuut

Sermitsiaq aviisimi juunip aallaqqaataani 2018-imi saqqummersumi allaaserisaqarpoq qulequtalimmik "Mittarfeqarfiit Kalaallit Airportsilu ataatsimut kattunneqassapput".

Allaaserisami atuarneqarsinnaavoq ingerlatseqatigiiffiit ataatsimut kattunneqarsinnaanissartik piffissamik nukinnillu atuiffigaat. Tamanna Demokraatit annertuumik eqqarsarnartoqartippaat isornartoqartillugulu. Suliffeqarfiit taakku marluk pingaarnertut suliassatik aalluttariaqarpaat suliassat aalajangiisnaassuseqarfiginngilluinnakkatik pinnagit.

Suliffeqarfiit taakku marluk ataatsimut kattunneqassanersut politikikkut aalajangigassaavoq.

Ingerlatseqatigiiffiit inuiaqatigiinni qitiusumik inissimasut marluk politikikkut aalajangiiniarnermut paasisimasaqanngissusermik ersersitsisumut piffissamik nukimillu atuerpasinnerannut Naalackersuisut erngerlutik qisuariannginnerat Demokraatini paasiuminaatsittupilussuarput. Tamanna Naalackersuisuni politikikkut siulersuinerup sanngiinneranik ajoraluartumik takutitsivoq, tamannalu erngertumik aaqiissuteqarfigineqartariaqarpoq.

Apeqqutima ullut suliffiusut qulit qaangiutsinnagit akineqarnissaat kissaatigaara.